



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

CONVENIO DE COLABORACIÓN ENTRE O CONCELLO DE BETANZOS E A FUNDACIÓN CIEC, PARA O FINANCIAMENTO DAS ACTIVIDADES DO 2022

EXP.: 2023/A007/000010

REUNIDOS

Dunha parte, dona María Barral Varela, DNI núm. 79311249G, alcaldesa do Concello de Betanzos, en nome e representación do concello, en virtude das facultades que lle atribúe o artigo 21.1 b da Lei 7/1985, do 2 de abril, reguladora das bases de réxime local.

Doutra parte, don Pedro Miguel González Galilea, DNI núm. 07959239C, na súa calidade de vicepresidente da Fundación Centro Internacional de la Estampa Contemporánea (Fundación CIEC), con CIF nº G15600976, con domicilio nesta Cidade, Rua do Castro 2, en nome e representación da dita entidade.

MANIFESTAN

- Que o Concello de Betanzos, de acordo co previsto na Lei 38/2003, do 17 de novembro, xeral de subvencións (en diante, LXS) e na Lei 9/2007, do 13 de xuño, de subvencións de Galicia (en diante, LSG), pode conceder de forma directa, as subvencións previstas nominativamente no orzamento xeral municipal.
- Que ambas partes teñen plena capacidade e lexitimidade para formalizar este convenio.
- Que o obxectivo deste convenio é colaborar coa Fundación Centro Internacional de la Estampa Contemporánea (Fundación CIEC), para o mantemento dos servizos e actividades desenroladas no ano 2022.
- Que a entidade beneficiaria arriba referenciada ten como obxecto social *“A promoción e difusión das artes plásticas en xeral e da arte gráfica en particular. Para a consecución do citado obxecto, a Fundación poderá realizar cursos e talleres das diferentes técnicas de gravado, e aquelas actividades que o Padroado considere para o mellor coñecemento das mesmas, tales coma seminarios, conferencias sobre Gráfica e aqueles temas que o Padroado considere oportuno e exposicións sobre obra gráfica ou que contextualizen a ésta.*
Dado que a Fundación posee unha importante colección de estampas, é obxectivo da mesma a súa conservación, acrecentamento, coñecemento e difusión, utilizando para isto as medidas que o Presidente e Vicepresidente estimen oportunos, tales coma exhibición, compra, aceptación de doazóns, publicación de catálogos, visitas guiadas e didácticas, etc.”
- Que ante o interese coincidente, as dúas partes acordan formalizar e asinar este convenio de colaboración que se axustará ás seguintes:

CLÁUSULAS

PRIMEIRA. FUNDAMENTO LEGAL

O artigo 22.2 a) da LXS, (artigo 19.4 a) LSG) establece que poderán concederse de forma directa subvencións previstas nominativamente nos orzamentos das entidades locais, nos termos recollidos nos convenios e na normativa reguladora destas subvencións.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

SEGUNDA. OBXECTO E PERÍODO DE VIXENCIA DO CONVENIO

O presente convenio ten por obxecto establecer as bases de colaboración para a concesión dunha subvención nominativa por parte do Concello de Betanzos á Fundación Centro Internacional de la Estampa Contemporánea (Fundación CIEC), para o financiamento do seu funcionamento e da actividade efectuada pola fundación durante o ano 2022, sendo ésta a *"promoción e difusión das artes plásticas (en particular das artes gráficas)"*. Os gastos da actividade efectuada comprenderían principalmente a adquisición de material didáctico e honorarios de artistas/mestres, sen prexuízo dos gastos de funcionamento e doutros gastos correntes.

"ACTIVIDADES GRÁFICAS POR E PARA BETANZOS"

ACTIVIDADES REALIZADAS:

- *VISITAS DIDÁCTICAS* centros formativos betanceiros, grupos, asociacións e público en xeral de Betanzos. Demostracións das técnicas as fins de semana.

Voltan tamén as xornadas artísticas nas que se continúa con actividades destinadas aos centros formativos betanceiros, para que coñezan e participen das actividades dos talleres. Que coñezan a sede, a Colección e que traballen nos talleres para coñecer de primeira man o campo da estampa, vexan artistas traballando e comentando os seus traballos e descubran obra gráfica contemporánea na Colección, da man do persoal especializado do CIEC e dos artistas invitados, facendo tamén un pequeno gravado. Todas as xornadas serán diferentes e combinaránse con outras dependendo do curso e mostra que nese momento teña lugar nos talleres. Todas serán diferentes e combinaránse con outras ensinanzas artísticas e culturais.

Persoal especializado e artistas profesionais compartirán xornadas ao longo dunha mañá con grupos, esta vez de familias, dirixido a pais/nais e fillos, que participarán dun día de talleres, traballando na creación da imaxe, estampación e exposición das estampas realizadas no centro de orixe.

As colaboracións con Turismo do Concello completan estas actividades con visitas guiadas para os participantes na Ruta do Modernismo e na Ruta do Casco Histórico, que conta cun gran número de participantes, tanto betanceiros coma turistas, e que coordina con gran profesionalidade Elena Carro.

As visitas do IES Francisco Aguiar, Colexio Vales Villamarín e IES As Mariñas son algúns dos centros participantes xunto a APEM, Cruz Vermella e outros.

Algunhas fins de semana cada mes para as visitas guiadas fanse demostracións de técnicas ao público.

Material didáctico, honorarios das/os artistas invitadas/os ou honorarios do persoal son algunhas das partidas destas actividades, destinadas á cidade de Betanzos. Coordinación, preparación e desenvolvemento. Demostracións nas visitas guiadas e talleres nas visitas didácticas.

- *CURSOS DE VERÁN GRÁFICA. XULLO E AGOSTO.*

Betanzos conta con Cursos de Gráfica dende o ano 1985, creados polo artista betanceiro Jesús Núñez no ano 1985 e contando xa entón coa colaboración do Concello de Betanzos, que prestou as diferentes sedes dos mesmos, tales coma o Colexio Vales Villamarín o Conservatorio ou o Liceo, ata que tiveron unha sede permanente coa creación da Fundación CIEC en 1997.

Nestes 38 anos pasaron miles de estudantes e centos de mestras/es que levaron e seguen a levar o nome de Gráfica e de Betanzos por todo o mundo, sendo hoxe moitas/os delas/es recoñecidos artistas, mestras/es e profesionais na arte gráfica máis contemporánea e/ou contan con talleres de seu.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

A programación segue a ser no verán, os meses de Xullo e Agosto. Cursos monográficos de verán de dúas semanas que versan sobre unha técnica gráfica en particular, xa sexa de iniciación ou de perfeccionamento. Todos os cursos están impartidos por artistas técnicas/os especialistas en cada materia, mostrando así as máis variadas técnicas e estilos no campo da estampa.

Programación XXXVIII Gráfica 2022

1. *Materia e relieve na gráfica contemporánea. Prof. David Arteagoitia. Do 11 ao 15 de Xullo.*
2. *Pegadas de luz e tempo. Prof. Fátima Conesa. Do 18 ao 29 de Xullo.*
3. *A forza da madeira. Prof. Omar Kessel. Do 18 ao 29 de Xullo.*
4. *Augaforte, augatinta e cor na calcografía. Prof. Javier Jubera. Do 1 ao 12 de Agosto.*
5. *Litografía sobre prancha de aluminio. Prof. Valle Baranda. Do 1 ao 12 de Agosto.*
6. *Serigrafía. Prof. Mariano Durante. Do 15 ao 26 de Agosto.*

Honorarios das/os mestras/es, material didáctico, documentación, envíos, honorarios de persoal e/ou funcionamento dos cursos son as actividades que se recollen nesta partida.

- **FEIRAS DE ARTE.**

A Fundación CIEC tamén sae dos seus muros, tanto coas obras coma coas actividades e a promoción da cidade. Así acode ás feiras de arte gráficas tanto no español coma no extranxeiro, impartindo conferencias sobre a arte gráfica actual en Betanzos, actividades da Fundación, situando á Fundación CIEC e a Betanzos no mapa artístico e cultural non só galego, senón tamén internacional, posto que de ahí saen colaboracións futuras con outros artistas, estudantes, centros e países que virán a Betanzos a estudar, visitar ou participar nalgún dos cursos, mostras, concertos ou actividades culturais.

Open Bos Aires na Arxentina en Agosto, Alma Gráfica Oviedo en Outubro ou FIG Bilbao, Festival Internacional de Obra sobre Papel en Novembro son algúns exemplos de eventos especializados nos que a Fundación CIEC difunde as súas actividades, colección, patrimonio e Betanzos.

Viaxes e desprazamentos, billetes, estancia, material didáctico, folletos, publicidade, adecuación do stand, carteis, envíos son algunhas das partidas deste apartado."

O período de vixencia do presente convenio abrangue dende o 1 de xaneiro ata o 29 de decembro de 2023 (último día hábil do ano), aínda que o obxecto da subvención refírase a gastos correspondentes ao exercicio 2022.

TERCEIRA. CRÉDITO ORZAMENTARIO

O Concello de Betanzos comprométese a destinar a cantidade máxima de 20.000,00 euros no orzamento do ano 2023, con cargo á aplicación orzamentaria 334.482.00. A dita cantidade debe destinarse única e exclusivamente ao financiamento dos gastos que orixine a realización das actividades sinaladas no proxecto presentado pola Fundación Centro Internacional de la Estampa Contemporánea (Fundación CIEC).

CUARTA. GASTOS SUBVENCIONABLES

Serán subvencionables os gastos derivados do desenvolvemento da antedita actividade, ata un máximo de 20.000,00 euros, realizadas dende o 1 de xaneiro ata o 31 de decembro de 2022.

Terá a consideración de gasto realizado o que foi efectivamente pagado con anterioridade á finalización do período de xustificación.

Establécese a compatibilidade con outras subvencións ou axudas doutras administracións ou entes públicos ou privados, que poida percibir o beneficiario. Non obstante, o importe da subvención concedida, en ningún

Documento asinado electrónicamente, pódese validar a sinatura co código indicado na marxe na <https://sede.betanzos.es> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

caso, poderá ser de tal contía que, en concorrencia con subvencións ou axudas doutras administracións ou entes públicos ou privados supere o custo da actividade a desenvolver polo beneficiario.

QUINTA. DOCUMENTACIÓN

Para a plena efectividade do presente convenio, deberá achegarse a seguinte documentación:

- a) Acreditación da personalidade do beneficiario mediante a presentación da fotocopia cotexada do CIF da entidade.
- b) Acreditación da personalidade do seu representante mediante a presentación da fotocopia cotexada do DNI da persoa que vai subscribir o presente convenio.
- c) Memoria explicativa das actividades que se pretenden levar a cabo coa subvención, incluíndo un orzamento detallado dos gastos ocasionados polas actividades para as que se solicita a subvención e dos ingresos previstos para o seu financiamento.
- d) Declaración xurada de se foron solicitadas ou non outras subvencións para a mesma finalidade, procedentes das distintas administracións públicas ou calquera dos seus organismos dependentes, entes ou sociedades, ou doutros organismos privados.
- e) Declaración xurada de que a entidade está ao corrente das súas obrigas tributarias en xeral (Estado e Comunidade Autónoma), e en concreto, co Concello de Betanzos, e coa Seguridade Social, e que non é debedor por resolución de procedencia de reintegro. Non obstante, mediante a firma do presente convenio a Fundación Centro Internacional de la Estampa Contemporánea (Fundación CIEC) autoriza ao Concello de Betanzos a realizar as comprobacións oportunas ante as citadas administracións, de estar ao corrente das obrigas tributarias e coa Seguridade Social.
- f) Declaración responsable de non estar incurso a entidade en ningunha das causas que determina o art. 13.2 da LXS (art. 10.2 LSG).
- g) Certificación dos datos bancarios da entidade.

No caso de que algunha da antedita documentación obrase en poder do concello, exímese da súa presentación.

En todo caso, a devandita documentación deberá constar no momento da sinatura do presente convenio.

SEXTA. OBRIGAS DO BENEFICIARIO

Son obrigas do beneficiario:

- a) Haber levado a cabo a totalidade das actividades que se establecen na memoria presentada ao efecto da obtención desta subvención (ao ser con efectos retroactivos para as actividades do ano 2022).
- b) Lucir o logotipo do Concello de Betanzos e facer constar a cooperación do concello en todas as actuacións que se desenvolvan ao abeiro deste convenio.
- c) A Fundación Centro Internacional de la Estampa Contemporánea (Fundación CIEC) asume as obrigas derivadas da promoción e dinamización das actividades.
- d) Cumprir coas obrigas que se establecen nas bases de execución do orzamento do 2023 do Concello de Betanzos.

SÉTIMA. XUSTIFICACIÓN E PAGAMENTO

O pagamento do importe total do convenio farase no momento no que se xustifique debidamente o cumprimento total da finalidade do presente convenio.

O pagamento da subvención efectuarase mediante o ingreso na conta bancaria sinalada para o efecto polo beneficiario.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

O beneficiario deberá presentar a conta xustificativa como máximo no prazo de tres meses dende que se firme o convenio e como data límite o 29 de decembro de 2023 (último día hábil do ano).

O importe dos gastos xustificativos deberá ser, como mínimo, o importe da cantidade asignada neste convenio. En caso de non xustificar o importe total do convenio verase reducido proporcionalmente o importe a percibir.

Para a xustificación das cantidades asignadas neste convenio, deberá presentarse a seguinte documentación:

- a) Memoria explicativa e detallada das actividades que se realizaron, con expresa mención dos resultados obtidos, incluíndo unha relación dos gastos ocasionados polas actividades que se realizaron e dos ingresos que se obtiveron para as ditas actividades. Acreditación gráfica do cumprimento de facer constar a colaboración do Concello de Betanzos en toda a información que se faga das actividades subvencionadas (folletos, carteis, libros, vídeos, CD's, etc).
- b) Declaración xurada que acredite o cumprimento da finalidade da subvención mediante a realización das actividades para as que se concedeu a subvención.
- c) Declaración xurada que acredite que non se obtivo ningunha outra subvención ou axuda para a mesma finalidade, ou, polo contrario, onde conste unha relación detallada doutras subvencións ou axudas concedidas para a mesma finalidade.
- d) Orixinal ou fotocopia compulsada ou cotexada das facturas representativas dos gastos realizados. As facturas deberán cumprir os requisitos esixidos polo Real decreto 1619/2012, do 30 de novembro, polo que se aproba o regulamento polo que se regulan as obrigas de facturación. No caso de que a realización das actividades obxecto da subvención xeren gastos de persoal, xustifícaranse mediante nómina, factura ou documento equivalente (orixinais ou fotocopias cotexadas). Así como xuntar a xustificación do pagamento dos devanditos gastos.
- e) Declaración xurada ou certificacións (artigo 24 Real decreto 887/2006, do 21 de xullo, polo que se aproba o regulamento da Lei 38/2003 xeral de subvencións; en diante RLXS) de que a entidade está ao corrente das súas obrigas tributarias en xeral (Estado e Comunidade Autónoma), e en concreto, co Concello de Betanzos, e coa Seguridade Social, e que non é debedor por resolución de procedencia de reintegro. No caso de que se autorice ao Concello, éste efectuará esta comprobación de oficio.

De non presentar a xustificación no prazo establecido, ou non desistir de forma motivada e por escrito no mesmo prazo, incoarase expediente de anulación do correspondente compromiso que levará a perda do dereito de cobro da subvención.

Este prazo entenderase sen prexuízo do prazo de dez días, que se concederá no caso de presentación de documentación incompleta ou defectuosa para a súa rectificación.

Mediante acordo do órgano competente acreditarase o cumprimento da finalidade, que constitúe o obxecto do presente convenio, procedéndose á aprobación da conta xustificativa presentada polo beneficiario. Todo isto, sempre e cando a documentación xustificativa fose a correcta.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

OITAVA. MODIFICACIÓN

Toda alteración das condicións que se tiveran en conta para a concesión desta axuda e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou estranxeiros, poderá dar lugar á modificación da contía da axuda que se contempla neste convenio.

NOVENA. CAUSAS DE RESOLUCIÓN

Serán causas de resolución deste convenio:

- O incumprimento de calquera das cláusulas establecidas no presente convenio.
- A aplicación dos fondos outorgados no convenio para fins distintos dos que motivaron a súa concesión.
- A falta de xustificación do emprego das contías recibidas.

DÉCIMA. COMISIÓN SEGUIMIENTO

Constitúese unha comisión mixta de seguimento, control e avaliación á que serán sometidas todas as cuestións derivadas do desenvolvemento deste convenio, así como a resolución de cantas dúbidas poidan xurdir sobre do mesmo. Esta Comisión estará composta en representación do Concello de Betanzos polo/a concelleiro/a delegado/a da área (quen poderá delegar no funcionario dese área que estime oportuno), e pola outra parte o representante legal da entidade ou persoa na que delegue.

A Comisión terá as seguintes funcións:

- 1.- Facer o seguimento e control do cumprimento do convenio.
- 2.- Interpretar e resolver as dúbidas, que se puideran suscitar na aplicación do convenio.

UNDÉCIMA. CONTROL FINANCEIRO, REINTEGRO DA SUBVENCIÓN E SANCIÓN

Consonte ao disposto nos artigos 44 e seg. da LXS e artigos 41 e seg. da LSG, a entidade beneficiaria poderá ser escolleita pola Intervención Municipal para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigas formais e materiais que lle impón o presente convenio de colaboración.

O reintegro da subvención procede e regúlase segundo o recollido nos artigos 37 e seg. da LXS (artigos 32 a 40 da LSG) e o artigo 11 da Ordenanza xeral de subvencións do Concello de Betanzos.

Con respecto ao réxime de infraccións e sancións, éste aparece regulado no título IV da LXS e LSG. Sendo o procedemento sancionador regulado no título IV do RLXS e título VI do "Decreto 11/2009, de 8 de xaneiro, polo que se aproba o Regulamento de la Ley 9/2007, de 13 de junio, de subvencións de Galicia." Sendo reguladas no artigo 13 a 18 da Ordenanza xeral de subvencións do Concello de Betanzos, as infraccións e sancións.

DUODÉCIMA. NATUREZA

O presente convenio ten natureza administrativa, as resolucións que se adopten porán fin á vía administrativa, polo tanto, contra elas só cabe recurso ante a xurisdición contencioso-administrativa.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.es>
e-mail: correobetanzos.net

DÉCIMO TERCEIRA. INTERPRETACIÓN

Para a resolución de calquera dúbida ou incidencia que poida xurdir durante a execución do obxecto do convenio, aplicarase suplementoriamente a LXS, o RLXS, a LSG e as Bases de execución do orzamento do ano 2023.

E en proba da súa conformidade asinan o presente convenio.

A Alcaldesa

O representante do ente beneficiario

Asdo.: María Barral Varela

Asdo.: Pedro Miguel González Galilea